



安陽集卷第四十一

宋 忠 獻 魏 王 諱 琦 著

奉 勅 提 督 軍 政 監 察 御 史 前 翰林 庶 吉 士 安 燾 仁 校 正

冊 文

仁宗皇帝哀冊文

維嘉祐八年歲次癸卯三月癸卯朔二十九日辛未仁宗神文聖
 武明孝皇帝崩于福寧殿旋殯于殿之西階粵十月戊辰朔六日
 癸酉遷坐于永昭陵禮也龍馭賓天珠襦留殯萬方之軌同臻七
 月之期茲近法仗已嚴靈輜未進風雲慘鬱以生悲臣妾涕號而
 思殉孝子嗣皇帝臣御名接統承堯念親臨舜徘徊象物驚禁從以
 如存推慕僊遊致哀誠号必盡繫臨奠以長辭蓋終天之永恨乃
 命弼臣以之傳信其詞曰

惟宋受命幽天無疆藝祖以武底寧四方神宗以文萬邦一王真
廟紹隆赫然其光逮夫仁宗益熾而昌厥生之初上帝惟祐天日
之表振古未覩已出圭璋步巖龍虎其俾真人來綏下土元良之
建七鬯是主寔門之問惕若文武嗣訓之循纂承丕緒左右獻后
以蒙自處大歸乾獨化陶甄進良黜姦始章聖權其仁如天其
度如淵具仁伊何得之自然草秀而茁蟲飛而翔尚不忍傷況吾
民焉惠澤之霈滂洋幅負物無不滋四十二年猗如天兮化功則
全其度伊何汪然莫際巨細必容默分誠偽臣在言職不知諱忌
時拜詆訐衆嫉狂易聖心怡然曰此忠義是也吾從過焉何疾疴
如淵兮是能致治明謹庶獄極于哀矜惟法所在未嘗妄刑郡邑
之吏責之詳平一失入罪無階顯榮尊為天子以儉為貴崇尚清
虛浮片紛麗向緣不懌輔臣入視殿帷蕭然茵食故散率用繒素

了無文綺衆目驚嗟上曰何喟吾之受用素止如是此民膏血烏
敢妄費恭事天地孝承祖宗九凡圓丘再祗合宮大禘于廟親籍
于東服器精備案盛潔豐小次不御秉圭顯顯何必戶曉民胥偃
風取士之路務存至公十二臨軒策之必躬雋髦盡得巖穴幾空
有將有也曰功曰庸即視三代吾其比崇北胡之強西夏之獯時
欲跳梁恣其貪嗜吾以威懷折其凶銳兩皆搖尾從我羈餌百蠻
梯航琛賫日至禮樂具修干戈不試夫惟立嗣天下之基前世令
王或牽以私事不前定濱于亂危我出獨斷挺然不疑求賢于宗
唯聖是知神聖之重其傳有歸廟社以安生靈以嬉迹其大公堯
舜之為昔在人上必有偏好或樂馳逐或喜征討或務宴游或專
營造或遷徙或色或泥丹竈基奔之工擊拂之妙有一于此下從而
效噫吾仁示澹無所樂曰吾好者在勤政道日必旰食惟先之紹

閒時弄翰或隸或草聖帝之揮千奇萬巧去冬之暮清燕之間再
闕天閣詔詔從官親作飛白侍臣縱觀心合造化生成筆端書幅
逾百大均寵頒退坐群玉行觴盡歡嗚呼哀哉賜墨尚濕宸章未
刊植璧斯愛有金滕之禱綴衣遂徹俄承玉几之言嗚呼哀哉
大變之來天傾地裂四海之勸風號雨血兆民震駭其無生百辟
冤呼而僅絕乘雲之游兮汗漫而自高待顛之慕兮僵仆而徒切
因疑前命之非常似與群臣之叙訣嗚呼哀哉候律云凜諏辰協
元嚴屢逐以方駕視羽幢兮始前池竹搖雉車旗飾鸞皆朱雀之
通達指青龍之吉山關路長兮去復去官車晚兮還不還痛徹六
宮兮莫如逝淚灑重瞳兮胡可攀嗚呼哀哉寒日書昏愁陰夜積
卷晴霓於丹旆蕩霜波於素帟哀笳五咽六州之奏增悽駿嶽前
瞻萬歲之聲何闕大隧一高幽堂永寂人間之恨空長帝所之歡

豈極嗚呼哀哉秦漢而下御邦子民魯越三紀纔聞數君其間治
亂以相較否身之不醇如仁宗享國之久而始終太平兮彼安敢
望吾之清塵生而無窮者厚載健而不息者高旻惟至仁盛德與
真厚之俱兮萬世魏然而不泯嗚呼哀哉

英宗皇帝尊號冊文

維治平四年歲次丁未正月一日庚戌攝太尉具官臣韓某與內
外文武百寮諸軍將校藩衛牧伯郡縣長吏藩夷酋長黃耆叟
等再拜稽首上言臣等聞天道育萬物而不責其報然飛走之微
必時而有薦以知其本也君德被萬萬而不有其名然臣辟之
衆必崇而有鍾者以獻其誠也故報雖不責薦而知其本者天必
享名雖不有孰而獻其誠者君不違是以上下之情通而古今不
能以易也亦惟皇帝陛下自然之性得堯之仁不聞而式紹文之

聖總百行而無不備探六藝而無不達魯在宗邸德充而晦令聞
莫過四海熱心譬夫大明將升光氣前發萬目瞻望不可諠戢及
乎膺受聖託登隆皇緒信默三祀動謹先法奉養長樂孝惟克諧
內嚴宮闈而細大必修外止紀綱而頽墜皆舉攬威柄以歸已幹
神化而屬電下暨繹寡悉安其生至于昆蛟莫不被澤其九族之
睦也俚先乎知道其百揆之叙也本精乎任人若夫延見邇臣咨
訪不倦有虞之好問也抑損浮費用度日約大禹之克儉也緝熙
光明而德行以顯周成之保邦也綜名實而賞罰必信漢宣之圖
治也并會衆美嗣興太平故自舟車所通日月所照皆奉順聲教
無敢弗虔固足以恢四聖之闕休極百王之盛節者矣迺者肇裡
吉土始見清朝祭而受福夢將逮下下之報上安可無述臣等所
以中外之志叩闕屢瀆請上不稱以形容於萬一而陛下持易

之誅執道之契德貫二儀而不自滿功偕八世而無所矜冲然弗
居可詔不下自是輿情鬱邑更相真謂必謂睿聖之烈赫赫如此
而不能發揚而增大之是不若飛走知本之著也今三朝之言萬
玉來會直譯有貢八音在廷臣等幸於此時冀畢前懇封奏五上
莫匪傾竭陛下猶光宗諭數四不得已而俞之夫道濟群生而不
言所利離乾也躬享大命而若固有之膺歷也化成天下而輝光
日新之也守在四夷而兵革不試武也日用而百姓不知聖也親
寧而萬國以歡孝也臣等不勝大願謹奉玉冊玉寶上尊號曰體
乾膺歷文武聖孝皇帝伏惟陛下無前之蹟本忘其名徇衆之欲
勉而是承斯亦踵祖宗之舊而慰乎夷夏之情惟持其盈以守其
成壽考萬年以守以榮臣等誠歡誠抃頓首頓首謹言

英示皇帝衣冊文

維治平四年歲次丁未正月庚戌朔八日丁巳英宗憲文肅武宣
孝皇帝崩于福慶殿旋殯於殿之西階粵八月丁未朔八日甲寅
遷坐於永厚殿禮也歷在而帝鼎成則仙四海驚推考妣之
喪也群臣號泣考有衣冠之葬焉哀仗初肅靈藉即前孝子嗣皇
帝永念月極痛深所天觀象物考如在挽宮車考莫旋一奠之訣
考既已悲霄壤之隔萬古之信考又將假文字之傳乃命臣某繼
之以言其詞曰

惟尔之典祀踰百年聖聖相授前義後軒於穆英宗其承赫然嗣
且惟五心期則千秋初在藩潛德同異惟善吾樂惟學吾嗜朝夕
誥書無寐仁義顯心聖賢舉趾孝悌官之否臧民之利病必詢而
得不在東濟明哉仁廟知子其至推堯之心乃命主器曰非所當
駭於懇避就諱迫逾年始辭邸第高世之行實出文帝既紹統業

以齊以勤欲泰天下儉吾一身衣必屢浣食皆屏珍府有餘積賜
無橫縉損約邦用深虞害民不尸而化感歸至淳壺內之制有妃
行嬪位號之等其詳可聞吾悉不備蕭然禁宸侍左右者故宮幾
人為治之本先乎睦親不愛苑囿衆居以均大興學校群心自馴
首善之勳于何不臻荷天之休所報惟懇承先之祐其事彌恪始
見郊廟陰厲前作霖霖累旬朝位皆愕謂且改為言者交錯聖心
益堅日夜祇若及期而祀景氣澄澈至誠之應老稚歌樂庶政思
又萬機必躬一令之細惟審而後下一言之善則沛然是從覽四
方之奏率至於夜艾訪前殿之對動踰於日中協虞舜聰明之聖
垂漢宣綜核之公好文之盛前無比崇籍兵之廣寓之在農既恢
隆於素教又振宣於武功於是西之悍羌北之強貊威德所加均至
風奔魄陰結我備以藏會蠶奔走聞者同吾策畫惟國結於盟誓

幸保全於少頃若使天錫洪休壽鍾遐歷則累世之勳不數暮而
盡更二虜之禍有一朝而掃迹奈何歲俯經於再閏年未借於不
感帝鄉甚邈遽樂白雲之游路寢斯嚴忽預彤裳之冊得非嗣聖
當發興符有明啓闕規於厥後俾大治於將來太平之功既遺已
而不有億兆之衆徒訴天而盡哀嗚呼哀哉遑豫之來憂民不替
蠲賦恤災寬刑霽惠親揮宸筆以定儲位明聖知之在先俾群情
之大尉請勿藥兮宜麥何與齡之終疾嗚呼哀哉太慈詎吉肅辰
正秋下慶內以將旦即大升而弗留臣庶攀慟風雲慘愁皆紫臺
之素葉馳丹旆之悠悠萬葉銜悲睇斜暉之莫返六宮灑泣雜暮
雨收嗚呼哀哉榮園宵嚴汎關朝啓登嶺道之綦回瞰華郊
而遙灑池魚輕躍於帷帳薶露漉流於心耳氣噴縹山陰疑洛水
方而萬歲之阡已湊諸侯之執姬猶素真何須銀雀之爲珠玉弗

藏詎有金鳧之侈嗚呼哀哉會聖臨右永昭峙旁侍仙遊之縹緲
之帝所以軒翔名素在於真錄亦空留於壽堂百年之間自比軒
騰肅九疑之下幾瞻耘鳥之飛揚德固不朽慶方大昌惟英
主之矜曰我而獨得兮宜與天而共長嗚呼哀哉

安陽集卷第四十二

宋

忠

獻

魏

王

韓

琦

著

奉勅提督軍政監察御史前翰林庶吉士安成尹仁校正

祭文

代開封知府諸廟謝雨文

維某年某月某朔某日具官某謹以清酌庶羞之奠致祭于某神
粵自涼秋以來嘉澍未洽惟宸衷之在念顧穡事以為虞式是靈
祠奠茲神壤奉吉燭而致禱冀聰直以垂休而神上符宵旰之懷
下慰編齊之望會風期於少女驅雲族於太山魚未崇朝遽均和
澤壤父輟耕而相賀祠官宿報以言旋濟皇歲以作霖畢蘇民瘼
兆豐年而為瑞協助聖馭爰被詔於發中俾消及而報賜用陳馨
薦祗以蕃宣諒精意之攸歆固嘉應之斯在尚饗

揚州祭聖母祠祈雨文

維慶曆六年歲次丙戌某月某朔某日具官某謹以清酌之奠昭告于聖母之靈某聞之于詩曰旱既大甚靡神不宗則知古人閔雨之際不愛牲幣凡神能福于民而為民之所奉者皆得索而祭焉今歲夏季以來境內不雨播人狼顧以田為憂長民者亦嘗設壇禱龍款祠求神齋恪之誠不為不至近方靈應有答而民望未厭是用陳茲薄薦乞靈于神神其體斯民所奉之心示神能福之意廣敷陰施惠此一方使時澤霑然年穀大獲則民知神德不謂無靈尚饗

諸廟祭文

維慶曆六年歲次丙戌某月某朔某日具官某謹以清酌庶羞之奠敢致祭于某神古有八蜡之祭以記四方若其方年不順歲則蜡祭不通豈特使民謹於用財抑亦明神不苟受其報也今歲境內大旱民心顛顛有望於神而未田卒不救守臣不敢循為蜡之義而廢神之祀是用舉舊典申薄薦神其歆此蠲繁無使來歲復失民望而重為媿尚饗

北嶽祈雨文

維皇祐元年歲次己丑六月壬戌朔十四日乙亥具官某謹遣屯田真外郎通判軍州事游開以清酌之奠敢昭告于北嶽安天元聖帝惟神享有常嶽視帝而祀故距河而北凡民有水旱瘡痍之災則歸心于神謂神主于我必轉災而福之某幸為州于廟祠之下每日開日則思有以濟于民報于君以不愧于神雖然不敢獨私一郡而邀神之福竊惟國家視天下以河朔為根本去歲雨水為大凶民大半以飢死天子宵興旰食哀而血之賴蠶事既登麥

秋有也。瘠瘠之民，有生意而涉夏不雨，旱氣日甚，民心嗷嗷，以穀爲虐。天子聞之，不得不重貽北顧之憂。其是教以出，民所歸之心，且道天子仁聖慈愛之德，弗私所治而告虔于神，神其振激威靈，指呵雷電，霑乎嘉澤，潤我農疇，使兩河間普治西成之望，則神上以寬九重之焦勞，下以副萬民之歸嚮，巍巍廟食，與昊天齊其稱，謂宜哉尚饗。

北嶽祈雨文

維皇祐二年歲次庚寅三月戊子朔五日壬辰，具官某謹以清酌之奠，敢昭告于北嶽安天元聖帝。某聞天之爲道也，惟民善惡而禍福之，然推其仁於福，則所任者多於禍，則有所不忍焉。神之爲靈也，能謹其所以禍福而協天之仁者也。比歲以來，河朔之民罹大饑饉，幸而全者無幾，某爲治祠下行二暮矣，夙夜祗慄，不敢慢

其政，以干神禍。每春夏之交，水旱萌沴，播人駭憂，必請救于神而神應之。夫豈守臣一真禱而能感于神哉？誠虫虫之民無大罪惡，天與神哀其窮，不忍然其禍而致然也。今歲方春而群陰用事，霾風晝昏，陽氣迫而未宣，雨意兆而復收，農力于田，惟歲是虞，豈天與神仁于任福而不忍禍之之意邪？神其驅叱癘妖，奮示威德，霑然施澤，俾遂有年，則民知神休，孰不思報尚饗。

北嶽祈雪文

維皇祐二年歲次庚寅十二月某朔某日，具官某謹以清酌之奠，敢昭告于北嶽安天元聖帝。大河之北，比歲不登，神知之矣。今又入冬以來，雪不時降，果數之然耶？則否泰宜有以相反，政之致邪，則蚩蚩之民何罪？此人之所以疑天與神不預人事者，正謂是也。惟神作，與于北助，天成化，宜發天之德，示神之明，早霽時澤，慰民

望而銷沙胡以釋人之所疑誠大惠也不然北道之民全其生者無幾矣天晝夜而不息胡為哉神之祀孰供乎尚饗

北嶽謝雪文

維某年某月某朔某日具官某謹以清酌庶羞之奠致祭于北嶽安天元聖帝近以冬候將終時雪不降重困之民比屋愁歎守臣敷政之缺察民無罪輒遣屬吏走祠下合衆心之所憂上訴于神神惻然憐之翌日降雪闔境之內無不充洽愁歎之民以抃以舞夫神之化真冥然民固有疑之者及其應之昭也則靡然歸之無疑矣况猶影響之速乎宜其望而祀廟而食有國等奉與天無窮謹擇良日具牲醪以修報惟神始憐之終成之尚饗

北嶽謝雨文

維皇祐三年歲次辛卯三月某朔某日具官某謹以清酌庶羞之

奠致祭于北嶽安天元聖帝其瞻載籍見堯湯水旱之事而說者多歸之天數以為雲祭之禮蓋有國家者徇民志而安下情其實不可求也乃有一守令自暴一御史決獄而能上動天意應時注雨則於二者之說不能無惑焉今則判然無惑矣某自承詔來定會河朔歲災比年雨不時降為民之守察民之窮而無所訴也則必走傳屨之靈于嶽祠之下或三日至五日神應響答甘澤大洽故北道歉殫而定獨小康神貺多矣今歲自正月至三月不雨民復震駭顧虫虫者無告獨神之有以訴也於是載加精禱幸紓民患既而雲容聚散連日晝陰至七日雷電始發一雨告足則知至誠者必能感神而神必能為民之福也又何惑焉謹擇日具牢酒以為報惟神陰佑賜有年尚饗

北嶽祈雪文

維其年某月某朔某日具官某謹以清酌之奠敢昭告于北嶽安
天元聖帝其聞四方之民水旱豐穰皆繫守政之善否某常信是
說至定而後知不獨繫于政乃有嶽鎮之神陰主一方能驅斥災
沴而降民之福其非才守定行五歲矣政之不善宜有以動天變
而及斯民何乃北道比歲大災而定獨小康得非守政雖不善而
神能佑民而福之乎昭昭矣今歲農疇大穰比戶嬉樂而時雪過
期未有嘉應此守臣所以思政而自懼神所以愛民而施福之時
也神其宣揚威靈振激和氣使盈尺之瑞早慰民望則民心歸嚮
不在他祠尚饗

北嶽謝雪文

維皇祐三年歲次辛卯十二月戊寅朔二十六日癸卯具官某謹
以清酌庶羞之奠致祭于北嶽安天元聖帝近以時雪稍愆未充
歲望於政之失惟民是虞亟禱于神尚期鑒祐果蒙靈答若響應
聲雖雲霧尚冀霑濡而民心大已開釋謹遣大理寺丞簽書節度
判官廳公事夏倚躬致菲薄以修報禮惟神念此一方素垂陰護
更施惠澤以永神休尚饗

北嶽再祈雪文

維其年某月某朔某日具官某謹以清酌之奠敢昭告于北嶽安
天元聖帝近以入冬以來時雪未洽累遣掾屬乞靈于神亦既踰
旬尚稽報祐豈守臣愛民之心未至而事神之意弗虔乎夙夜究
思罔克自處今請通判軍州事閻某躬致前懇禱于祠下惟神察
誠之懇慰民之望早垂嘉應以光豐年尚饗

太原諸廟祈雨文

維皇祐五年歲次癸巳閏七月戊辰朔某日具官某謹遣某官以

清酌之莫致禱于某神某聞天之道主于仁不則人何以保其生
神之道亦主于仁不則人何以通其誠嗚呼天與神之道皆主于
仁矣何一方霜旱之後既俾其田大茂垂及有年而反枯槁之螫
蟻之使民終日哀祈叫呼冀一施其仁寂然莫應邪其治并始數
月雖然為政一日不合于民宜為天氣之病顧民是何罪哉是用
齋戒省咎將民意以有告于神惟神助天化育功在祀典哀民之
誠迫功如是亟驅風雲霽然下雨掃滌萬氣銷弭虫孽則千里之
內神一施其仁而卒死之苗起為豐穎咨嗟之聲轉為歡謠民歸
神之心如何哉尚饗

請廟謝雨文

維皇祐五年歲次癸巳某月某朔某日具官某謹以清酌庶羞之
奠致祭于某神近以秋稼甫成旱蝗萌孽吏民駭議唯神是歸守
臣齋誠亟禱祠下朝奠未縮暮澍已洽靈應之速實猶影響合境
之內鼓舞歡呼知神之仁益用欽向謹擇良日具饗薦以修報禮
惟神冥佑茲土功德至大亦既拯民之將殞則當俾歲之大穰守
臣何咎惟是忠信尚饗

蒙山祈雪文

維皇祐五年歲次癸巳十二月丙申朔二十一日丙辰具官某謹
以清酌庶羞之奠致昭告于蒙山之神某聞前代良守長以其部
旱暵之為沴也必求境內有聞之神祈禱之而與神約過期不雨
則舉祠燔之雨則葺之某謂不然今環晉之境數千里之廣歲
將窮而未雪守臣同民之憂遍禱群祠逾月弗應聞蒙山晉望也
古有祠俯瞰靈淵自唐以來崇奉祈報民實家福今墮圯垂盡而
故址巋然夫祠雖不存山川之神豈嘗亡邪謹遣某官即壞祠具

肴酒以告夫將已意以達于神神祠之壞而必完之皆守臣之職也若之與否不敢慢神而廢職然神能奮起濟德亟霽惠澤以警一方父不信之民則宜遠邇歸嚮易怠為恭神之威尊與山魏我不然且懼祠雖完而復廢也神聽之乎尚饗

諸廟祈雨文

維皇祐六年歲次甲午正月丙寅朔二十七日壬辰具官某謹遣某官以清酌庶羞之奠有禱于某神去歲歷秋冬連今雨雪不時降細民駭嗟以田為憂者實半天下天子惕然引咎齋戒祈禱無所不至而卒未大應今復時疫暴作民中其疾者十有八九雖星分所次流災有常而天子慈仁愛民夙夜焦勞守土之臣皆奉命修職不敢有苛刻之政上病天氣天忍極肆其酷冥然而不顧哉天道高遠區區草芥之誠固不足以達願吾境有靈德之神開發

天意轉禍貽福灑甘澤以沃枯讓鼓和氣而驅癘妖使農及耕耘民安里閭上紓天子旰食之慮下俾守土之臣省過勤政自新不怠則天施未暢繫神而啓迪之宜民不怨天而信于神神之功茂矣尚饗

祭告四代祖鼓城府君文

維嘉祐五年歲次庚子某月某朔某日四代孫具官某謹遣男忠彥以清酌庶羞之奠致祭于高祖鼓城府君高祖母夫人張氏之靈琦闔家集見真定主簿張度所撰府君墓銘知天福二年中與夫人同葬於趙州贊皇縣東太平鄉之北馬村當五代之亂天下兵革子孫於歲時展祀蓋不能及逮今百有餘載遂失訪辨琦自效官以來志求所在而慮不得鄉邑老舊之人以詢究之今會贊皇人前晉州司理鄭嗣宗行服北歸見過私第問所謂北馬村者

乃云所居之地也遂以誠託之未幾嗣宗復至且言是村有韓評
事墓在焉請使家人親驗其竊念年祀既遠若不一視銘誌則恐
後之子孫與鄉邑遠近之人尚有疑者故遣男忠彥擇日以告暫
開墳隧拂拭誌石使衆目視之釋然必信然後增益封樹以時致
享子孫承之崇奉無窮惟靈監此至誠歆此薄薦毋以輕有犯瀆
而賜大咎孝孫之幸也尚饗

祭告四代祖塋土地文

維嘉祐五年歲次庚子某月某朔某日具官某謹遣男忠彥以清
酌之奠昭告于贊皇縣太平鄉北馬村土地之神高祖鼓城府君
之亡實葬茲土子孫遭五代之亂罔克崇善各走官路久失訪尋
今按文驗之乃得其所然年祀緬邈人不無疑固當開隧視銘以
取衆信惟神聰直之稟福善而誅惡者也夫有人孝於其親不以
百年之遠力恩封樹洒掃以勤時享神宜祐而助之使如素志不
當以輕犯土地而降咎殃則神可謂聰直之全禍福不私者矣尚
饗

祭告五代祖庶子文

維嘉祐八年歲次癸卯三月某朔某日五代孫具官某謹遣男忠
彥以清酌庶羞之奠致祭于五代祖庶子之靈惟靈歷唐顯官興
起韓氏終葬博陸家謀具存某自從官以來深惟祖先塋域之重
雖勤推訪未能辨識數年前始得四代祖鼓城府君之塋於趙州
之贊皇至于開隧觀銘衆始大信既已崇葺則益念庶子博陸所
葬之地不當無迹會故吏國子博士劉觀通判永寧之任來別遂
託尋究未幾得觀書以從姪弁所得一甌土埋銘墨本末示閱所
叙二代則皆庶子之弟也且言處士墳墓巋然而高草樹蒙翳者

疑是庶子之塋也大用感慰故使忠彥一遠千里躬修菲薄之薦而請一視誌文不獨取信於衆人亦俾裔孫歲展祀無有疑惑惟靈監此誠懇勿以一時干動神宇而賜大疾尚饗

祭告五代叔祖二處士文

維嘉祐八年歲次癸卯某月某朔某日五代孫具官某謹遣男忠彥以清酌庶羞之奠致祭于五代叔祖處士五代叔祖母夫人之靈其嘗聞家謀知五代祖而上實葬博野年祀殊遠雖勤于推訪大懼不知所在比得從姪弁錄一誌銘來告且言向葺壞墳之所得也詳所叙三代則二處士乃某五代祖庶子之親弟也不勝驚歎慰喜之情故使忠彥擇良日具薄薦完補頽缺再嚴封樹仍飭子孫歲享祀傳于無窮惟靈歆而監之以重福于來裔尚饗

祭告永寧軍先塋土地文

維某年某月某朔某日具官某謹以清酌之奠敢昭告于土地之神某聞山川土地神實主之無名而犯降殃可也某之五代祖庶子歷唐美官終葬于博野縣之北原雖距今幾二百年矣比始知其所在若非一視銘誌則裔孫之祀孰不疑而人孰取信哉故遣男忠彥擇日開隧以告于神非無名而犯也惟神稟德聰直故宜助成孝心禱求之不謬某決知乎神不降殃而降福也尚饗

葬安國夫人祭告祖塋文

維嘉祐七年歲次壬寅九月乙巳朔二十三日丁卯孝孫具官某謹以清酌庶羞之奠敢昭告于曾祖令公曾祖母太夫人烈相令公祖母太夫人之靈某以新婦安國夫人崔氏之亡取仲冬之二十九日歸葬於相之安陽縣豐安村祖塋西先所得之吉地啓壤之際潔誠以告伏望英靈昭鑒陰爲佑助自始興作訖於成役咸

得安固永作神后唯子唯孫傳祀無已也饗

葬安國夫人祭告先塋文

維某年某月某朔某日第六子具官某謹以清酌庶羞之奠敢昭告于先考令公先妣太夫人之靈某以新婦安國夫人崔氏之亡考經謀葬得日承凶為吉遂舉殮殿中丞公彦而下諸喪咸歸葬于相之故里公彦則開舊壙而納焉姪孫試秘書省校書郎確而下則於大筮之東別為一域以安之啓壤之始潔誠以告伏望英靈昭鑒陰為福助宅兆獲安子孫世祀尚饗

安陽集卷第四十二

安陽集卷第四十三

宋 忠 獻 魏 王 韓 琦 著

奉 勅提督軍政監察御史前翰林庶吉士安成尹仁校正

祭文

祭龍圖尹公師魯文

維慶曆七年某月某朔某日具官某謹以清酌庶羞之奠致祭于故龍圖舍人尹君師魯之靈嗚呼師魯惟君之生天與英奇如鑑之明無隱不窺如材之美無用不宜仁義之勇過於虎羅疑昧之決審乎若龜首倡古文三代是追學者翁從聖道乃夷名重天下無人不知知之深者非余而誰伊昔夏人擾于西垂余忝兵任君實同之周旋塞上余往君隨書篋夜晝忍睡忍飢星霜矢石勞苦艱巖九四五年心憊形羸退而視君志不少表上嘉君勤進督漕

師懷敬之後破壞創夷君能盡力補綴待持曰兵曰民以治以綏
如得父母般心熙熙保邊務實耻于安為不合小人乃塔福基易
慶晉路奔命何疲輸忠抗論同者乘危君前在渭屬防秋時以公
解縉貸其偏俾俾償宿負名千典彝月取其棒送官勿虧且責効
命投死無疑職此抵罪竄斥流離眾謂之冤君甘如飴自隨徙均
帝方念茲奈何窮山感疾無醫君決不起指鄧而馳范公大賢來
託孤遺謂無怙化言色怡怡忽整衣冠盥滌莊祗憑几而逝眾皆
歎悲范公之書其說如斯嗚呼哀哉彼蒼冥冥莫可究誰賢若胡
惡動與也奇不肖胡佑坐來福禧以道而屯死為人思以幸而福
生為人嗔在君所得何必期頤嗚呼哀哉余之與君義雖朋執情
則墳篋葬不執紼奠不捧卮使我大恨痛切肝脾徒憑薄祭一寫
哀辭琴不鼓矣嗚呼子期尚饗

祭文正范公文

維某年某月某朔某日具官某謹以清酌庶羞之奠致祭于資政
范公之靈嗚呼哀哉上天生公因為吾宋以堯舜性吾君兮既忘
身而忠國以成康期吾俗兮又竭思而仁衆升贊樞宰執云不用
毀撫蒲服孰云不重何太平之策禁而不得施兮委經綸於一夢
此一人所震嗟而天下之所深痛豈止乎平生之交得訃音而長
慟嗚呼哀哉僕始立朝按公尚踈道同氣合千里相符忝帥於西
乃與公俱協心畢力誓翦兇渠義切王室清均友于雖千艱而萬
險仗忠信而如無僕之望公公驥僕駕十駕未逮敢擬齊驅人胡
不辨遂連公呼自顧無有媿常汗珠繫公是託終履夷途叛莠來
附一節同趨與公並命參翊萬樞九有大事為國遠圖爭而後已
歡言如初指之為黨果如是乎道卒與王時戾謂公適而僕愚相

緣補外誇毀崎嶇感公之知謂死不渝嗚呼哀哉定之去青不遐
驛置自公之東信間時至愛顧益深交朋莫二蠅頭細書以時爲
奇珠貝累幅氣嚴法備自云矍鑠以將厚意謂公康寧日保純粹
忽以疾聞求醫往視矍然遣使候公驗寐會公得頴有寶赴治尚
煩公荅親筆數字意公少痊粗以爲慰方具書藥詣公所憇得元
規報云公永逝讀之駭然手足俱廢氣填滿膺食不知味惟公事
君之大端固始終而一致有生即有死方雖聖智其安避所惜者
國家待賢而後又天胡不仁而不憇遺嗚呼哀哉公之所存履巽
蹈高古文奇謀大忠偉節充塞宇宙照耀日月前不愧于古人後
可師于來哲固有良史直書海內公說巨億萬載不可磨滅此爲
大而爲壽考信識者之能別豈於一奠之間可盡公之德烈惟是
冥然而思冥然而悲此生未殞曾無已時公乎公乎知乎不知

祭僕射王公伯庸文

維嘉祐元年歲次戊戌九月己巳朔某日具官某謹以清酌庶羞
之奠致祭于故僕射王公之靈嗚呼僕與公交世孰爲匹在天聖
中考士之實上初臨軒親按程律公當其選天下第一僕叨次公
若甲之乙爲合之易公純我質愛則昆弟同則膠漆從官西東雖
遠猶密及佐大計尙相並隣議必聯席食常對茵出入省戶輝光
擢紳公踐掖垣文追古淳夫河鄙材復序後陳更直書命參明帝
縉公入禁林朝稱得人僕草公制榮無與倫夏人擾邊沮我威武
僕承人之奮命西禦久之未效命公來撫公之所臨如旱而雨黎
公之略遂振王恣僕時卽秦公留燕語獨有二天公惠之著疆事
之寧僕忝樞輔公爲大農在事泉布進居公前愧日無措僕斥于
外公方處中排穢群讒陰存大功僕走一塞身當虜衝一紀之間

莫觀音容天與其幸還趨九重付以舊物本兵之崇公弼宰政望
尊德隆而不大拜反及愚庸僕實無堪懼顛厥位圖講太寧賴公
以濟其道之同言無少異白髮相親在古無二公歷二府積憂成
率始疾之微在告而治日須公出以奉醇粹如何決旬遽然永逝
嗟乎人生有是不意嗚呼哀哉公之德業海內胥傳清芬雅範則
流為世法忠謀大節則詳於史編浩乎若江漢之紀地燦然如日
月之麗天此特叙生平之好故舉其槩而不言唯將哀誠一奠几
筵公固知我終身愴然尚饗

祭正獻杜公文

維嘉祐二年歲次丁酉二月丁未朔某日具官某謹以清酌庶羞
之奠致祭于司徒侍中杜公之靈嗚呼自公勇退于今十年天下
日思思公至賢故每聞公之病也輒猶已之病今聞公之亡也則

相與駭而歎曰元老之喪天下將安而法焉况厚公之知世無比
旃雖願百殞以贖公而莫得兮其哀深痛切非文字之可傳然而
因奠寫誠焉可無說含悲失次舉公大節在祥符初文則公傑魏
取甲科美譽四徹自時為吏天性精勤驅煩判滯明敏無倫不流
鞭扑吏畏如神凡守郡邑政胥曰循凡主財利法皆近仁中司執
憲紀律箚紳曰雍曰并乃國方面命公鎮臨天子安燕上曰公勞
來尹畿甸轂下亟清樞廷是踐公既大任為國圖寧力進忠良正
人彙征時羌之叛與狄連衡公謀廟堂一垂復兵僥倖路塞斜封
不行有職顯然坐觀太平讒邪信信卒壞于成作相百日彼徒益
嚮嚮公于充公道愈明公則告老上允其誠旋管厥居處于宋京
噫公之貴不與衆類不買田宅不畜聲妓蔬食菜羹袍布被奉
已惟約周人則義人難其常公行獨易名清之名今昔無二噫公

之退與衆復異其傳不親林泉不嗜枕藉首家沉酣六藝詩筆日
新放懷怡志書法日工或草或隸優游自娛以卒吾歲嗚呼哀哉
公官一品位誠不卑公壽八十年非不耆在公享之良厚何人心
之甚悲蓋以公還事而來精明不襄憂國之慮過於有政稱善之
勤同乎已爲向使朝廷重惜公去復公丞疑以十餘歲之康寧真
億萬世之不基則治胡爲而不唐虞公胡爲而不臯夔噫衆願之
終矣兮不繫公而繫時徒憑使人酌公一卮公乎公乎已而已而
尚饗

祭狄相文

維嘉祐二年歲次丁酉四月丙午朔十六日辛酉具官某謹以清
酌庶羞之奠致祭于故相狄公之靈惟靈忠孝沉厚出於天資威
名方略聳於塞外入登樞府蓋旌勲勞出殿輔藩聊遂偃息何五

福所鍾而不與其壽一人所悼者未盡其才某向處邊垂公實裨
佐自聞傾喪日極哀懷茲承已擇良辰權厝淨宇敢馮薄酌少致
哀誠愧竊有知諒垂歆監尚饗

祭聳隅先生文

維嘉祐二年歲次戊戌十月戊戌朔十日丁未具官某謹以清酌
庶羞之奠致祭于聳隅先生黃君之靈先生以學自富以道自貴
身居草萊名暴天下公卿大夫知先生之賢薦先生之晚老得一
命遽然而亡嗚呼豈天之於人既使其學與道之不窮也則其身
也固不可得其不窮耶不然何屯梗沮屈之如是乎某忝大任竊
重祿不能極力推挽使先生之學之道少伸于時而身爲不窮反
咨嗟疑天不自引咎誠罪人也今先生之子能奉遺書謹遺法介
然以不墜先業爲意謹恐南歸得舟東下因致薄酌一道哀禮之

誠先生宜來啟是精潔尚饗

祭范寬之刑部文

維嘉祐七年歲次壬寅五月丁未朔十五日辛酉具官某謹遣某人以清酌庶羞之奠致祭于范郎刑部之靈君之於余兄之子婿而余姪女不幸早世親知之深義無少替垂三十年意愛交至君從國憲向領全吳察廉之失蚤經赦書復久去官攻者終經降漕得守遂觀濠魚中外交章辨君非辜牽復甚爾君胡遽殂嗚呼哀哉君始得疾殆於累月度不能起尚記踈拙請兄援毫寓書以訣惟草二名親筆余別余一閱之夙夜悲咽其間一事余竊為疑云分毫恩未嘗及之余之知君惟道是期所謂恩者有公有私私則結好死焉莫移公敢市寵非余之為嗚呼哀哉君之平生志氣豪邁臨終之言何近狹隘得非有激其意安在俾余恤孤余安敢忘

千里致哀淮漢薄酌英特之魂宜乎不昧尚饗

祭文潞公太夫人文

維嘉祐八年歲次癸卯二月某朔某日具官某謹遣門人陳諤以清酌庶羞之奠致祭于魯國太夫人之靈惟靈享殯君子克謹婦道閨內之訓莫匪忠孝有子逢辰相吾大君膚公盛德世無與倫勤哉奉親繫我賢相晨夕旨甘得謂榮養身封大國輸翟魚軒康寧壽考五福之全相君承顏以懼以喜請治于洛歸來鄉里慰我高堂鼓鍾笙簧大期之及怡然而亡琦於相君義則兄弟何以致哀是惟薄祭尚饗

祭崔良樞文

維治平元年歲次甲辰九月癸亥朔二日甲子具官某謹以清酌庶羞之奠致祭于毀丞崔君十哥之靈惟君之稟天與和粹大韶

之發聽者忘味大主之全望爾君瑞君心正臣始終道義君兄節
士壤持其志君之漸摩固無不備惟文之高乃不中第惟才之敏
見於為吏其勢奔騰警若良驥千里之遙日暮可至奈何半途遽
爾顛躓惟余之室君則其弟余契之篤實均同氣君如京師必館
而憇歡然相接唯恐分袂今夏之首君來嘗官待次得告再歸聞
田初聞小疾勿藥當痊遂不裁問日期駕旋使忽至止君兄惠膝
具述君病且憂纏綿余驚呼醫俾馳詣前醫馳未達計來何處嗚
呼哀哉君之德美稔于衆傳復被餘慶宜熾而延何未強仕修茲
溘然命也孰訴噫嘻蒼天嗚呼哀哉君姊之亡傷推二年又感君
感心如灼燃徒憑薄爵致此拳拳哀誠千百未能一宣君其知乎
敬余意焉尚饗

安陽集卷第四十二

安陽集卷第四十四

宋 忠 獻 魏 王 韓 琦 著

奉 勅提督軍政監察御史前翰林庶吉士安成尹仁校正

祭文

祭資政吳長文文

維熙寧元年歲次戊申十月庚子朔某日具位某謹遣人以清酌
庶羞之奠致祭于大資政吳公侍郎之靈惟公之生得道之粹惟
公之出為世之瑞粵在妙齡已彰奇器六經深醇諸子同異下逮
百家史氏所志經公一覽則能誦記學優而仕進道益勤遂塞詔
舉大名是振仁廟知公擢公諫臣聳激忠義漸摩聖神致我后德
大猷日新領漕東南使煩以試駕部一清何止經計更殿鉅藩所
重稱治風績藹然實冠循吏西掖代言以門典制號令文章一時

溫麗翼冀京邑則于四方帝曰疇尹惟公是當大豪兼并過於寇攘公暴其罪投之遠荒姦盜四走壞其囊囊高視前輩爲宋趙張上曰公賢贊我幾命協心憂國大本以定俄執親喪毀幾滅性茹疏泣血卒羸而病服除還位亟參大政真儒秉鈞內外交慶任直爲輔忘身匪艱辨白君道呵排大姦義貫白日名高太山退處于外孤風孰攀公往治青余趨雍部遐辱惠音道其雅素且曰吾疾庸醫所誤今雖調適未甚如故余病亦久勉而作書馳走一介候公起居因得公荅慰我勤渠親翰累幅筆精有餘余喜料公其疹必除命世之佐百靈所扶嗚呼哀哉書來未旬余徙鄉郡復促召軍因令入覲道聞公計心臆摧震天乎仁乎杳默奚訊善人云亡乃邦之釁公如何贖余義當徇雖百其殞夫亦何吝嗚呼哀哉歷代已往如公幾人萬世在後公名永存孰壽孰夭此安是論惟是

餘慶宜昌子孫何以致哀奠公一樽公來歆乎公靈者魂嗚呼哀哉尚饗

祭安退先生劉君文

維熙寧元年歲次戊申八月朔某日具官某謹以清酌庶羞之奠致祭于故安退先生劉君之靈嗚呼先生剛介之性天下能合者有幾淵源之學古人不到者甚多憤然不少屈於世兮遂樂窮處唯酣杯而放歌晚而絕穀棄置家事欲融怡於太和澹然如此而天猶不祐兮亦奔隨於逝波余方罷西帥還故鄣借號塗而亟過瞻先生之墳土未乾兮不能一奠於山阿徒遣使指陳薄薦以將其意也嗚呼先生其知余之悲乎奈何奈何尚饗

祭崔公孺比部文

維熙寧四年歲次辛亥某月某日具官某謹以清酌庶羞之奠致

祭于故崔君比部九哥之靈余初及冠作壻君門君時妙年德性已尊不事彫琢歸乎質渾博覽經史富于藝文耻在陰籍思同俊群射策不偶遂遺世紛西竺大法南宗祕源旁逮老虛無之言沉酣貫穿洞其本根顧視軒冕淡如浮雲勉而爲吏非志所存祖以庇族仁風是醜黥間常詣我情均弟昆酒會歡密詩豪放奔時適道與開聾破昏益我多矣如猶附薰余視君爲期諸古人如何奄忽遽罹大屯善良至此天也寧論泣馳使指奠酌一樽君乎來歆惟靈者魂尚饗

祭致政學士趙君子淵文

維熙寧四年歲次辛亥八月癸丑朔某日具官某謹遣三班奉職隨行指使張世昌以清酌庶羞之奠致祭于故致政學士趙君子淵之靈嗚呼僕與君交心照莫二論契之深同門之壻在明道初

禁林並試聯陟道山日親高誼直則同舍分則同氣譬若驥驥方駕平地欲騁千里自當齊至如何遲速半途而異君知命者未始較計嗟君之才畜不大施歷殿藩府所在循吏晚求西臺亟謝君事惟洛之都有完者第方期優游遂我高志不虞安休乃失順衛使人遠來論我疾勢駭而馳醫往道勤意醫繞及門而君已逝嗚呼哀哉年踰七十壽足爲貴諸子宦達嘗言而熾進揚令名退絕織累君之始終可謂無媿而余悲者義切親懿聲顏永絕翰墨徒祕緝不親執奠不躬致臨風長號涕泗交墜惟憑一介具此薄祭眞眞有知爲我來暨尚饗

祭少師歐陽公永叔文

維熙寧五年歲次壬子某月某日具官某謹遣三班奉職隨行李珪以清酌庶羞之奠致祭于少師永叔之靈惟公之生粹稟元精

偶聖而出逢辰以亨歷事三朝冀登太平大名既遠大功既成年
未及老深虞滿盈連章得謝頽第永寧神當昇以福祿天宜錫之
壽齒胡不憇遺遽爾推傾此冥理莫得致詰而天下為之失聲嗚
呼哀哉公之文章獨步當世子長退之偉瞻閱肆曠無擬倫逮公
始繼自唐之衰文弱無氣降及五代愈極頽敝唯公振之坐還醇
粹復古之功在時莫二公雖云亡其傳益貴譬如天衢森布列緯
海內瞻仰日高而熾公之諫諍務傾大忠在慶曆初職司帝聰顏
有必犯闕無不縫正路斯開茲萌輒攻氣勁忘忤行孤少同於穆
仁廟誠推至公孰好孰惡是焉則從善得盡納治隨以隆人畏清
議知時不容各礪名節惟乎處窮二十年間由公變風公之功業
其大可記屢歟藩垣所至懷惠嘗尹京邑沛有餘地早踐西掖晚
當內制九厥代言典讓之懿九厥出令風雷其勢三代炳焉公辭

無魂樞極數為台衡弼貳撫御四夷兵戈不試整齊百度官師咸
治版勞一心定策二帝中外以安神人胥慰不校謔言懇求去位
公之進退遠邁前賢合既不苟高惟戒顛身雖公輔志則林泉七
十致政乃先五年上惜其去公祈益堅卒遂其請始終克全嗚呼
哀哉余早接公道同氣類出處雖殊趣向何異暨忝宰司日親高
誼可乎明白襟懷坦易事貴窮理言無飾偽或不知公因懼謗忌
青蠅好點白璧奚累嗚呼哀哉自公還事心慕神馳徒憑翰墨莫
挹姿儀公嘗顧我惠以新詩雖亟酬答奈苦衰疲欲復為問動已
踰時忽承訃音且駭且悲哀誠孰訴肝膽幾墮公之逝矣世鮮余
知不知從公焉用生為沒修薄薦奠公一卮魂兮有靈其來監茲
尚饗

安陽集卷第四十四

